

## Edizioni

- letto 732 volte

## Pattison

I.

L onc temps ai estat cubertz,  
mas Dieus no vol qu?ieu oimais  
puosca cobrir ma besoigna,  
dont mi ven ira et esglais.  
EZ escoutatz, cavallier,  
s?a ren ai obs ni mestier.

II.

D?aisso vos fatz ben totz certz:  
qu?aicels don hom es plus gais  
ai perdutoz, don ai vergoigna;  
e non aus dir qui ls me traiss;  
et ai ben cor vertadier  
car dic tant grand encombrier.

III.

Mas per so sui tant espertz  
de dir aisso que er plaisir  
car voill leu gitar ses poigna  
totz los maritz de pantais  
e d?ira e de conssirier,  
don moutz m?en fan semblant nier.

IV.

Si·m fatz coindes e degertz  
si·m sui eu flacs e savais  
volpilz (garnitz e ses broigna);  
e sui mizels e putnais;  
escars, vilan conduchier,  
de totz lo plus croi guerrier.

V.

Per quez es fols adubertz  
totz hom que ia ten a fais  
s?ieu cortei ? quar ia m?en loigna? ?  
sa moiller, pois dans non nais

ad el se son ben sobrier  
li mei mal sospir dobrer.

VI.

Car ia tot non fos desertz  
d?aicels, per qu?om pela·l cais,  
tant ai d?als ont me peroigna  
? d?autres avols decs on bais ?  
per que domna ab cors entier  
no·m deu prezar un dinier.

VII.

E si mos chans m?es suferz  
eu chan, qu?enquers no m?en lais;  
pustel? hui sus en sa groigna  
a totz marit si·s n?irais  
s?ieu tant grant mon dol plenier  
voill cobrir ab alegrier.

VIII.

A dompnas m?en soi profertz  
e datz, per que m?en ven jais;  
si noc? ai poder que i joigna  
en jazen, ades engrais  
solament del desirier  
e del vezet, qu?als non quier.

IX.

La comtessa a Monrosier  
volgra auzis mon gaug entier.

- letto 561 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

Source URL: <https://letteraturaeuropaea.let.uniroma1.it/?q=laboratorio/edizioni-262>